

worffen vnd Tücher darinn generet/das überhebrigs
 Feir an heimlichen enden der Frawen gelegt/heilet es.

Item heilet vnd tilget auß alle Nasen / blaw vnd
 roth/so von Grind oder Geschwär entstanden sind.

Groß Klett.

Scharff Klett/Grindwurzeln/
 Menwelwurzeln.

WJewo. der Kletten vielerley/sind sie doch gar
 nahe einer Natur/heiß vnd trucken im dritten
 Grad / die eine hat scharffe Blätter / die ist die
 beste.

Diese Wurzeln in Wein gesotten / vnd getruncken / ist
 gut für das Reichen /
 dienet wol für den
 Stein / vnd ein Bad
 auß Kletten Kraut
 gemacht / dienet für
 das Grien / vnd den
 Lendenstein / auch
 über die Geschwulst
 gelegt / hat Krafft das
 zu legen / vnd zu
 vertreiben / vnd mit
 Schmalz gesotten /
 auß harte Geschwär
 gelegt / es zucht den
 eyter heraus vnd heil-
 lets bald.



Scharff Kletten
 Wasser.

Wurzeln vnd Kraut

im Brachmonat gebrent/das Kraut allein im Meyen.
 Die Wurzeln zwischen den zweyen unser Frawen tagen/

T v

ist gut

Von allerhand/Arzney/

ist gut getruncken für den Grind/vnd von aussen den Leib damit gewaschen.

Auch Zitterschen mit Sal commune / oder gemein Sal/vnd ein wenig Essig vnder dem Wasser bestrichen/heilet sie.

Klein Klett.



Klein Kletten hat alle Eigenschaften der grossen / sonderlich der Samen.

Diese Wurzel gesotten/ in Wein getruncken/benimpt den Stein / der lang in Lenden vnd Blasen gelegen ist. Vnd zu Pulver gestossen/darvnder Rhabarbara gemischer/ nimpt alle Ungesundheit im Leib/ davon Aussatz entstehen möchte/ die genützet mit Wein/es hilfft.

Keyblümlein.

Keyblümlein/ seind kalt vnd feucht im andern Grad/ die Blumen seind kräftiger dann das Kraut/ vnd die Wurzel besser dann die Blumen.

Dise blumen beyß in Wein / vier Wochen/ seyhe den hernach herab/ Distillier ihn durch ein Alembik fünfmal/